

ادبیات عمومی و تجریدی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۱۳ رمضان ۱۳۳۶ جمعه ايرتسی ۲۲ خیران ۱۹۱۸ نوسرو ۴۲ — ۷۳

اهمال فکار

دارالفنونک آناتولییه نقلی

برقاج سنه اول استوقه‌بولدن کول واپورینه بینمش ، لطیف برزخ‌لردن ، عجیب معبرلردن ، ظریف بقعه‌لردن ، خوش کورفز‌لردن کچهرک، بش آلتی ساعتده [اوپسال] یه وارمشدم . بوکوزل قصبه ، هیبتلی برقاندراالی وتاریخی بر دارالفنونی ایله مفتخردر . عجبا ، نه‌دن ، اسوچلیلر دارالفنونلرینی بوشهرده بنا ایتشلر؟ بوسؤالیه محیط‌جواب‌ویردی : بوراده‌های وهو آز ، یاخود ، یوق کبی . مناظر ساکن ، باغچه‌لر ساکت ، کول را کده محیط معتکف . تام مطالعه وتنبه دعوتکار برعالم . هیچ برکورولتی سزی تفکراتکزدن آلیقویماز . علومه اجنبی هیچ برشخص ، سزی ، شواسکی کتبخانه‌لرده تصدیع ایتمز . پروفسوزلر ، بوراده ، علوم وفنوندن بشقه هیچ برشيله اوغراشامازلر . حیات‌ده کوچ دکل . اسراف ایده‌جک یر بولامازسکز . تیاترو ، قهوه‌خانه ، پارک ... بوکبی لوازم تنزه کافه وار ، لکن ، بونلر ، شکل افراطکارانه‌سنده تبارز ایتیمور .

لوندردن برآز اوتده [که‌میریج] ده‌اويله ، [اوقسفورد] ده‌اويله .

بونکله برابر دازالفنونلرک اوفق شهرلرده بولونمهی برقاعده دکلدر : [صوروبون]

پارسک ، [قولومیا] نویورقک حریمی داخلنده کائندر .

آناطولی بی احیا ایده‌م : کوزل بر شهر، مرتفع بر کاظمه عرفان. یکی طرزده پایلیمش،
مستقل ابنه‌لردن مرکب، آمریقانوار ی بردار الفنون. اطرافنده طلبه و معلم محله‌لری....
خوش بر تیاترو. چیه چوره، شهرک اطرافنده بر پارق. بیوک بر کتبخانه. بر علم آباد.
البته بوراده طلبه‌لک ایده‌جک کنجک خیالی دولابلر، آنتریکه‌لر جلب ایتمز. البته بوراده
پروفسورلک ایده‌جک ذات فکرینی علمدن بشقه بر مسئله ایله یورماز. وقت، معارفه
حصر ای دیلیر. طلبه حیاتی تقرر ایدر. قولای یاشانیر. حیات تحصیلک هر دقیقه‌سندن
آیریمجه مستفید اولمق قابلدیر.

طیبه مکتبک، بلکه، اک مناسب یری استانبولدر. لیکن حقوق، ادبیات، علوم
طبیعیه و ریاضیه شعباتی ایچون عیجا بویله میدر؟

بو نقل کیفیتی هم آناطولینک بر شهرینی بی معنا سانترا لیزاسیوندن قورتاروب بر مقر
عرفان ایدر، همده، مملکتهمزده غل و غشیدن آزاده علمی مظهر حمایه ایلر. فکرمی
بیانه آتمه ییکز. آرای عامه یه مخالف بر مطالعه‌ی اورتایه قویمیورم، اگر هرملت
مرکزیت طرفدار ی اولسه ایدی بیوک مرکز لردن اوزاقی کوچوک شهر لرده دارالفنونلر
دیکیش طو تدریمازدی.

زینب خانم قوناغنده ذی روح، جامد هر نه وارسه جمله‌سنی واغونلره یوکلته‌لم،
مقدس آناطولیمزک بر مرکز شاعرانه‌سنده بردار الفنون وجوده کتیره‌لم.

(آتی) مطبعه‌سی ۱۴ حزیرانی ۱۹۱۸

مهرول نوری